

۳ صفر ۱۳۳۲

نجمیه

۱۹ کانون اول ۱۳۲۹

عدد — ۷۷

نسخه سی ۴۰ پارہ در

ابونہ سی : بر سنہ لك اعتباریہ ممالك
عثمانیہ ایچون ۴۰ آلتی آیلنی ۲۵ غوش
وممالك اجنبیہ ایچون اون ایکی فرانقدر

محل اداره باب عالی جوارنده ابوالسعود
جاده سندہ نجم استقبال مطمعہ سی

جریدہ تصوفیہ

شیمدیلک ہفتہ در بر نشر اول نور

امور اداره و تحریر بہ واعلانات وسائرہ
ایچون مدبر مسئلہ مراجعت ایدملیدر

عرفای امتک مقالات منصوفانہ لرینہ
حرید صوفیہ نک حیفہ لری آچقیدر
درج ابدلیان اوراق اعادہ ابداز

تصوفی ، دینی ، اخلاقی ، سیاسی جریدہ اسلامیہ در

وایات اخیرہ کو یا کہ بیت اولاک شرح و تفسیرندن عبارت بولنشدر .
درد عشق عرفان محضدر . شو معروضانہ کورہ اللہ اعلم حضرت شیخ
دیک ایستورکہ ابتدای حالہ ذات احدیت مطلقہ مک وجود واجبہ
ادلہ صریحہ ارامقلہ مشغول ایکن انتہادہ (ہوالاول والاخر والظاهر
والباطن) سرینہ عرفان وادراک حاصل اولوب ہم ، وبالنتیجہ بتون
موجودات ممکنہ مک وجود طلبی قومیت فردانیہ الہیہ ایلہ قائم اولدینی
وبناءعلیہ وجود مطلق محض برہان وجود ایدوکی تظاهر ایلدی .

ایشته بوادراک و عرفان بنہ عشقک نتیجہ سیدر . محبت صفت مقدسہ
الہیہدر . اخلاق سبحانیہ ایلہ تخلیق ایدنلرہ ظہور ایدر آنک عبد اوزرندہ کی
نسبت شدیدہ سنک تظاہر نہ عشق تعیر اولنور : [ذاک فضل اللہ بؤتیہ من بشاد] :
بوصفت مقدسہ مک شدت ظہور و تجاہسہ مظهر اولان محبت کاملہ
اصحابہ ذات محبوب مطلق صفت معبودیتک مرتبہ خصوصیتندہ مسجود .
دبتہ تحمل ایدر . چونکہ ذات محبوب حقیقی عین مسجود مطلقدر .
(بورادہ قولالایان عین کلمہ سی معنای عرفیدہ استعمال ایدلہ کی
بولدن مکرمدہ تکرر ایدہ جکدرکہ شمدی عمومک قولاندینی معنادر .)
ایشته حقیقت صلاتک سولینہ بیلجک معنای بودر . مسجودہ باش
اکیان محبوبی اقرار ایتیش اولہ من . ذاتاً محبتک نتیجہ سی عبودیت و کمال
ساجدیتدر . اولہ ایسہ ارکان دیندن اولان نمازی لزومسز کورنلر
مسجودی انکار ایتدیار چونکہ مسجود عین محبوبدر دیدک محبوبدن
یخبر اولان مسجودندہ خبر سزدر . شیطانک سجدہ دن ابا ایتیش عبتدن
بی نصیب اولسندندر بوراسی اربانہ معلومدر .

عبودیت مسجودیتی انتاج ایدرک مرتبہ عبودیتندہ مقام حبیبیت
(قرۃ عینی فی الصلاة) سرینی اظهار ایدر بناءعلیہ بومرتبہ دم اخلاقی
الہیہ ایلہ تخلفک شدت ظہورندن عشاق الہیدہ (لاتأخذہ سنہ ولانوم)
سرینہ اشتاق حاصل اولورده کیجہ مک قیامی وبالنتیجہ کوندوزک صیامی
بورادن تحمل بہ باشلار . مادامکہ معشوقدہ اویقو و اویقونک مقدمہ ولوازمی
یوقدر عاشقندہ کمال عشقندن قات نوم تجاہسی ظہور ایدیور . مادامکہ
معشوق یمک ایچمکدن و بولرک لوازمندن مزہدر عاشقندہ عشقک شدت
تماق و نسبتندن صیامہ و اطبت ایدر حقیقت صوم ایشته بودرکہ صفت
ازلیہ الہیدر . ذاتاً حقندن خلقہ هیچ برامر یوقدرکہ آندہ صفات
الہیہ مک تظاہری اولہیہ . اوامر سبحانیہ مک مثبت و مننی اولمری اعتباریہ
مثبتہ اوامر و فرائض و منفیسہ منہیات و منکرات تعیر ایدلشدرکہ فرائض
صفات ذاتیہ و ثبوتیہ مک و منہیات صفات سلیہ مک تظاہریدر .

عرض اولنان حقیقت صلاۃ و صومدن لذتیاہ اولیان بزم کبی عوام
آنلرک سورتلری اجرایہ مأمور اولدینمک سبی (المرأ مع من احب)
سرینہ مبیدر .

(یوم ندھو کل اناس بامامہم) سرینک ظہورندہ او عشاق الہیہ
امام ایدیوب ارکان و فرائض دیندہ آنلرہ پیرو اولانلر هیچ اولنرہ
ظواہری محافظہ لرندنشای بنہ دائما آنلر ایلہ اولہ جقلرنده شہبہ یوقدر

بولہ بر عرفاندن نصیب اولیان اخوان الشیاطین ایسترسہ شیطان قدر علمی
اولسون ولو کہ ذی علمادہ بولونسون رمضان شریفک بتون اوروجنی
رویایابی طورہ . اولندن دہا قیمتسز عد ایدردہ ذاتاً محبتہ علاقہ دار
اولدیندن مسجودیتنی تحقیر ایدلہ کی محبوب مطلقک (الصوم . . .)
ایلہ ارشاد بیوردینی و خلق نفس ربانی اولدینی محقق بولنان صومک
تزییف و تخفیفیلہ عدم ساجدیتندہ شیطان اخرس ایکن تحقیر صیامدہ
آندہ اضل و اشنع اولور .

مابدی وار

مصطفی فوزی

مضمون حسب حالہ ردیفاً رایکی سوز

فکر عاجزانہ بچہ نشر حقایقک درجہ اہمیتی پک عالیدر . وادی
حقیقتندہ اجالہ قلم ایدہ جکدرکہ متبعر اولمس لازمکلور . بوبادہ کی وقوف
و معلومات عالیکز ایسہ مسلم عالمدر . بناء علیہ بوی حقایقک نشری
جوقدبری ہمت مخصوصہ عرفانپناہیارینہ مرض احتیاج ایدیور ایدی .
فقط بشقہ وادیدہ طولاشق ایستور دیکز ، حضرت معصومی حقندہ کی
احمد سری افتدینک حسب حالہ سزی وظیفہ اصلہ کز اولان نشر حقایقہ
دعوت ابتدی ، او خدمت مقدسہ طرف عالیکزدن کابلیق ایفا ایدیور .
فیض اولورکہ فوزیلہ ایلر ظہور ! نشرقہ برفوزی کافی دکلیدر ؟
فوزی کہ منبع فیض فلاح است در نشر انوار حقیقت بکیت
سردی کہ میرسد بان حقیقت اتصال سخنان وی بمرمان کافیت
قرۃ عینی حضرت فوزی افتندی سزہ کازار عرفانک ، بلبل معنوی
دینلسہ بجادر ہر حالہ شایان تبریک عظیم مسکز . . .

روضۃ القراء

بالذات سلطان انبیاء علیہ کل التحیا افتدمن حضرت لرنندن اخذ
قرآن کریم ابدن اصحاب کرام

— ۳ —

جامع القرآن

عثمان بن عفان رضی اللہ عنہ المنان

مشارالیہ حضرت تریسک اسم پاک عالیسی (عثمان) کنیہ لری (ابو
عبد اللہ و ابو عمروہ در سرور عالم افتدمن حضرت لری کریمہ محترمہ لری
حضرت (رقبہ) بی بونلہ ارتحالندن سوکرا دیکر کریمہ لری حضرت
(ام کلثوم) ی تزویج بیوردہ لرنندن (ذی النورین) لقب شریفیلہ یاد
اولنلاردر .

نسب شریف لری عثمان بن عفان بن ابی العاص ابن امیہ بن عبد
مناف القرشی الاموی درکہ عبد مناف سید المرسلین و خاتم النبیین افتدمن
حضرت لریک در دنجی اناسیدر . والدہ لری (اروی بنت کریز) بن
ربیعہ بن حبیب بن عبد شمس اولوب بیوک والدہ سی فخر کائنات
افتدمنک (حمہ سی) بولنان بیضا بن عبدالمطلبدر . عام فیلدن الی سنہ
سوکرا مہد آرای عالم وجود اولوب یار غار شفیق حضرت ابوبکر الصدیق

رضی الله عنہک دلالت وارشاد بیلہ اسلام ازلیسنی اظهار ایتشلردر .

ذات ستوده صفاتلری وجوه و اعیان قریشدن اداب حسنہ و اخلاق مستحسنہ ایلہ موصوف محبوب القلوب ، جود و عطا ایلہ معروف اولوب عشره مبشره نك اوچنچیمی اولدینی کبی مقام جلیل خلافتہ اهل شوری طرفندن انتخاب ایدیلان اصحاب کرامک دخی اوچنچیسیدر . منبع علم و حیا اولان جناب عثمان بن عفان حضرتلری همیمی حکم بن ابی العاص ایلہ دیگرلری طرفندن کورمش اولدینی رنج و اضطرارک حد غلبه وارمی اوزرینه بدما حقندہ هر نه صورتله اشکنجه وقوع بولسه بپموده اولهجنی و کندوسی سردن کچوب ، دین مبین محمدین واز یکیمه چکنی همیسنه صورت قطعیده بیسان ایلش ، واک صوکرآ جانب رسالتپناهیدن استحصال ایلدکاری مساعده اوزرینه زوجة محترملری (رقیه) رضی الله عنها ایلہ (حبشه) هجرت بیورمشلردر .

قوم قریشدن کوردکاری اذا وجفایه تحمل ایدهمیهرك اورابه هجرتی اجتناب ایدن اصحاب کزین حضرتاندن بر طاقیلہ مؤخرآمدینه منوره به کلهرک اسفار مقدسه نبویهک اکثرنده حاضر بولمشلردر .
ثروتلرینک قسم کلین فی سبیل الله بذل و فدا ایتش اولدقلرندن بوکبی خدمات مبرورلری محظوظیت جناب رسالتپناهی بی موجب اولمش و حقلرندہ (انا منک وانت منی) و (لكل نبی رفیق فی الجنة و رفیق فیها عثمان) مثلاً شرفلی حدیث شریفار صادر اولهرق قدر و شانلری اعلا بیورمشلدر .

اول جامع القرآن حضرتلری حفاظ قرادن اولوب قرآن کریمی بطریق المرض سرور عالم افندمن حضرتلرندن اخذ و تاق ایتشلردر . بعض اصحاب کرام وقت سعادندہ قرآن کریمی ، دریلر ، تحتلر ، کیکلر ، اوزرینه یازارلر ایدی . ابن مسعود ، ابی بن کعب ، زید بن ثابت کبی تماماً قرآن کریمی یازوب جمع ایدنلر دخی وار ایدمی و زمان سعادتشان حضرت فخر دو جهاندہ پک جوق اولوب سائر نامیه تعلیم قرآن ایدرلر ایدمی . فقط ایچلرندن دردی . ابن مسعود ، ابو حذیفه نك ازادلیسی سالم ، ابی بن کعب ، معاذ بن جبل حضراتی سائرلرندن زیاده شهرت بولمشلردی . ایشته بو وجهله قرآن کریم زمان پیغمبریده تمامیلہ حفظ ایدلش و یازلش ایدی فقط بریره جمع اولنامش ایدی . حضرت ابو بکر الصدیق رضی الله عنہک ایام خلافتندہ وقوعبولان یامه محاربه سنده حفاظ قرادن جوغنگ شہید اولملری اوزرینه قرآن کریمک هپ بریره جی خصوصی حضرت عمر طرفندن حضور خلیفه هررض اولنله حضرت خلیفه بو خدمت مقدسه نك ایفاسی فقهای اصحابدن علی بن ابی طالب ، زید بن ثابت حضرتلرینه اسر ایتدیلر انلرده سائر قراء اصحابک اجتماعیلہ قرآن کریمی تمامیلہ صحیفه صحیفه یازوب جمع ایدرک حضرت صدیقہ تودیع ایتدیلر . جناب صدیق ارتحال ایدنجه به قدر نزد عالیرنده محفوظ قلوب صوکرآ همرالفاروق حضرتلرینه و انک ارتحالنده کندی کریملری زوجات طاهرات حضرت

رسالتپناهیدن بولنان (حفصه) رضی الله عنها به بالانتقال موقع تعظیمده محفوظ قالمش ایدی . بو صحیف شریفده سورهلر صرهمیلہ ترتیب اولنیوب هر سورہ یانکیز باشنه بر کتاب ایدمی . (حذیفه بن الیمان) رضی الله عنه حضرتلری معرفتله فتح اولنانل عراق و شام جهتلرندہ تمام نسخہ اولهرق قرآن کریم اولدیفندن قرآن عظیمک صورت اداسی حقندہ اختلاف و منازعات وقوعه کابوردی . کیفیت امیرالمؤمنین عثمان بن عفان حضرتلرینه مرض و افاده اولدقده حضرت خلیفه دخی هریرده مرجع و مأخذ اولماق اوزره بر مصحف ترتیبی رأی ایدوب حضرت علی بن وسائر اصحاب کرامی جمع ایلہ بو رأی انلره سوبلدی انلرده قبول ایدلدی . انک اوزرینه حضرت عثمان رضی الله عنه حضرت (حفصه) زدنده محفوظ اولان مصحف مطهرینی جلب ایلہ انلردن قریش قرائتی اوزره مصحف شریف یازمق ایچون زید بن ثابت ، ابی بن کعب الانصاری ایلہ عبدالله بن زبیر ، سعد بن العاص ، عبدالله بن الحارث بن هشام القرشی رضی الله عنهم حضراتی مأمور ایتدیلر . بونلردن بعضاری او قوبوب بعضیلر یازهرق ایفای مأموریتیه سی و اقدام ایلہ اصح قول اولماق اوزره درت عدد مصحف شریف یازدیلر .

بو مصاحف شریفدن برینی کوفیه ، برینی شامه ، برینی بصریه کوندردیلر و برینی دخی جلهسنه مقتدا به اولماق اوزره مدینه منوره الیقوبدیلر و بو مصحف شریفه مصحف امام دیدیلر . مکة مکرمه به ویمه و بحرین ولایتنه دخی برر مصحف شریف کوندردیلکی مروی ايسهده بین ایلہ بحرین ولایتنه کوندردیلکی رواقی ضعیفدر . بلاد مذکورده اولان قراء کرامک اکثری کوندربیلان مصاحف شریفده کی رسم اوزره اخذ و قرائت ایتشلردر .

عثمان بن عفان رضی الله عنه حضرتلری اشبو خدمت مقدسه لرندنه طولانی « جامع القرآن » نامیلہ شهرت شمار افاق اولدیلر .

ابو الاسود الدؤلی ، ابو مریم زربن بن جیش بن حباشه الاسدی ، ابو هاشم المغیره بن شهاب المخزومی ، ابو عبدالرحمن عبيدالله السامی کبی ذوات عالیده قرائتی صاحب ترجمه حضرتلرندن اخذ ایتشلردر . عثمان بن عفان رضی الله عنه المنان حضرتلری اون بر سنه اون بر آی یکریمی ایکی کوفه اجرای خلافتله اوتوز بشنهی سنه هجریه سی ذی الحجه سنک یکریمی ایکنهی کونی ۸۳ یاشنده اولدینی و خانقه مادنارنده قرآن تلاوتیلہ مشغول بولندینی حالده رتبه شهادته نائل اولهرق (جنت ابقع) دینکله معروف مقبره شریفده دفین خاک عطرناک ایدمشلدر .

چنگل کوی : خواجهزاده

مابمدی وار : احمد حلیمی

صاحب امتیاز و مدیر مسئول : حسن کاظم

بیم استقبال مطبعه سی